



12. juni 2013

Inatsisartut Suleriaasianni § 37 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquut Pilup aamma Namminersorlutik Oqartussat isumaqatigiissutaat pillugu:

- 1. Suna pissutaava Pilup Namminersorlutik Oqartussallu (Siulittaasup pisorta qarfia) isumaqatigiissutaat aatsaat junip ulluisa tallimaanni 2013-mi atsiorneqarmat?**
- 2. Ileqquaa kingumoortumik atuutilersussanik isumaqatigiissusiortoqartarnera?**
- 3. Suna pissutaava oqaasiinnakkut isumaqatigiittoqarsimaneranut naqitanngortitsinani?**
- 4. Suut pissutsit immikkuullareqqissaartut pissutaappat isumaqatigiissutip oqaasiinnakkut pisimaneranut aamma tamanna periusuia?**
- 5. Junip ulluisa tallimaanni naqitamik isumaqatigiissusiornermut pissutaava uanga, AG immaqalu allat suliamut tunngatillugu allagaatinik takunnikkumalluta qinnuteqarsimanerput?**
- 6. Julie Rademacherip Aleqa Hammond sinnerlugu tusagassiinernik ataqatigiissaarisimavoq Inatsisartunut qinersinissaq sioqqullugu kingornalu, atorfininnissamulli isumaqatigiissut suliarineqaqqammersoq naapertorlugu aatsaat sulilerpoq ulloq 15. april. Akissarsiaqarsimava, ajunngitsorsiaqarsimava, ataatsimiinnersiutisiaqarsimavara imaluunniit allatut Namminersorlutik Oqartussanit akissarsiaqartinneqarsimavara ulloq taanna sioqqullugu?**
- 7. Julie Rademacherip, qulaani taaneqartutut Aleqa Hammond sullippaa qineqqusaarnerup nalaaniit 15. april tikillugu. Piffissami tassani akissarsiai kiap akilerpai?**
- 8. AG-mi allaaserineqarpoq, avisip qinnutigisimagaa atorfinitsitsinermut atatillugu allaqatigiittarsimanerit tamaasa piunallugit, AG-li mailimik ataasiinnarmik tunineqarsimavoq. Oqaasiinnartigut isumaqatigiissutit aamma allatut attaveqatigiinneq notatiliortarnissaq pillugu pisussaatitaanerup ataaniipput, taamaattumik mailinik allakkanilluunniit allanik peqartoqassanngikkaluarpat pinngitsoorani notatiliortoqarsimassaaq. Naalakkersuisut aalajangiusimavaat, AG-p allattungaatit tamaasa pisimagai?**
(Inatsisartunut ilaasortaq Palle Christiansen, Demokraatit)

Tunngavilersuut:

Naalakkersuisoqatigiit isumaqatigiissutaat ersarilluinnarpoq, ammasuunissaq eqqarsaatigalugu. Aallaqqaataa aallartiinnarpoq una atuarneqarsinnaavoq:



DEMOKRAATIT
DEMOKRATERNE

”Isumaqatigiissutigaarput ammasumik aqutsineq toqqammavigalugu nunarput naalackersuinikkut aqunneqassasoq, kalaallisut anersaaqarluni nunarsuarmioqataanermillu aallaaveqartumik innuttaasut oqartussaaqataanerat akisussaaqataanerallu qulakkiissallugu, taakkulu pisariaqartitaat aallaavigalugit ingerlatsineq naligiimmillu atugassaqartitsineq sulissutigissallugu.”

Taamaattumik tupigeqaara Naalackersusit suliffimmut Pilumut isumaqatigiissutaat eqqarsaatigalugu taama matoqqasoqartigimmat.

Apeqqutit akeqquneqarput tigusinermiit, ullut sulliviit naliginnaasut qulit qaangiutsinnagit.